



---

KENYATAAN MEDIA

Untuk Siaran Segera

---

## **Ella, Ratu Rock Malaysia, Raikan 30 Tahun Ella USA di Arena of Stars pada 17 Mei 2025**

**Genting Highlands, 20 Januari 2025** – Ella, Ratu Rock Malaysia akan menggegarkan Arena of Stars pada 17 Mei 2025, jam 8:30 petang, dengan sebuah konsert yang mengagumkan bagi meraikan tiga dekad kejayaan album ikoniknya, *Ella USA*.

*Ella USA*, yang diterbitkan pada tahun 1994, merupakan pencapaian besar dalam industri muzik Malaysia dan yang menjadikan Ella sebagai seorang penyanyi wanita tempatan dengan album terlaris dalam sejarah muzik Malaysia. Ia menampilkan kerjasama dengan pemain gitar legenda gitar Jepun, Kyoji Yamamoto, yang berperanan sebagai penerbit, penulis lagu, dan pemuzik. Penuh dengan lagu-lagu terkenal, album ini tetap menjadi salah satu karya utama dalam sejarah muzik tempatan.

Lebih 10 album dan ribuan tiket persembahan laris dijual di seluruh Asia, konsert istimewa ini akan menyaksikan Ella tampil di puncak kegemilangannya, mempersembahkan lagu-lagu ikonik dari *Ella USA* bersama koleksi lagu hit terbaiknya. Dikenali dengan auranya yang memukau dan karisma yang menawan, konsert pertama Ella pada tahun 2025 ini dijangka menjadi acara penuh makna, menghargai sumbangan kerjayanya dan legasi yang kekal.

Tiket untuk konsert penuh sejarah ini akan mula dijual pada 24 Januari 2025, jam 12 tengah hari. Harga tiket bermula dari RM389 (VIP), RM349 (PS1), RM269 (PS2), RM189 (PS3) dan RM99 (PS4). Ahli Genting Rewards Card (Kad Ganjaran Genting) berpeluang menikmati diskaun tetap sebanyak 10% melalui pembayaran tunai, kad kredit, atau penebusan Mata Ganjaran Genting yang hanya sah bagi pembelian tiket VIP, PS1, PS2 dan PS3 sahaja.

Dapatkan tiket anda dan maklumat lanjut di [rwgenting.com](https://www.rwgenting.com).

– Tamat –

**Untuk sebarang pertanyaan media, sila hubungi:**

**Ms Mei Yeap Lee Mui**

Assistant Manager  
Public Relations & Media  
Genting Malaysia Berhad  
Tel: (603) 6105 9447  
Email: mei.yeap@rwgenting.com

**Ms Evin Chan**

Executive  
Public Relations & Media  
Genting Malaysia Berhad  
Tel: (603) 2333 6742  
Email: evin.chan@rwgenting.com

**Mengenai Genting Malaysia**

Genting Malaysia merupakan salah satu syarikat rekreasi dan hospitaliti terkemuka di peringkat global. Ia tersenarai di Bursa Malaysia dengan nilai pasaran kira-kira RM16 bilion. Genting Malaysia memiliki dan mengendalikan beberapa resort utama, antaranya Resorts World Genting (RWG) di Malaysia, Resorts World New York City (RWNYC), Resorts World Catskills (RW Catskills), dan Resorts World Hudson Valley (dimiliki 49% melalui syarikat bersekutu) di Amerika Syarikat (AS), serta Resorts World Bimini (RW Bimini) di Bahamas, Resorts World Birmingham (RW Birmingham), dan lebih daripada 30 kasino di United Kingdom (UK). Tambahan pula, Genting Malaysia juga memiliki dan mengendalikan dua resort tepi laut di Malaysia, iaitu Resorts World Kijal di Terengganu dan Resorts World Langkawi di pulau Langkawi.

Dengan lebih kurang 10,500 bilik merangkumi tujuh hotel yang berbeza, Resorts World Genting (RWG) merupakan destinasi resort bersepadu utama di Malaysia. Resort ini menawarkan pelbagai kemudahan riadah dan hiburan, termasuk permainan, taman tema, tarikan hiburan, tempat makan, kedai runcit, serta pertunjukan antarabangsa dan fasiliti konvensyen perniagaan. Genting SkyWorlds, sebuah taman tema kelas pertama yang bertaraf dunia, menjadi tarikan utama yang menambah lagi kepelbagaian hiburan di RWG. Selain itu, Genting Highlands Premium Outlets (sebuah usaha sama antara Genting Plantations Berhad dan Simon Property Group) yang terletak di pertengahan bukit, melengkapkan tawaran premium RWG yang meluas dan menegaskan kedudukannya sebagai penyedia hiburan dan riadah terkemuka di rantau ini.

Genting Malaysia merupakan sebuah entiti dalam Kumpulan Genting, sebuah korporat multinasional terkemuka yang diiktiraf sebagai peneraju dalam pengurusan di Asia. Kumpulan Genting dikendalikan oleh Tan Sri Lim Kok Thay, seorang usahawan berwawasan yang telah berjaya mencipta jenama Resorts World sebagai penggerak utama dalam sektor riadah dan hospitaliti di Malaysia, Singapura, Amerika Syarikat (AS), Bahamas, dan United Kingdom (UK). Tan Sri Lim Kok Thay turut memiliki pelaburan strategik dalam pelbagai industri di peringkat global, termasuk dalam sektor perladangan kelapa sawit, pembangunan hartanah, penjanaan kuasa, minyak dan gas, pelayaran, serta bidang bioteknologi.